



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Decano Et Capitvlo Eboracen.

urn:nbn:de:hbz:466:1-20006

& Decano Burdegalen. committi, sic videlicet ut si constaret literas non habita mentione de constitutione & confirmatione prædictis pro eisdem Subdiacono nostro & magistro Const. ab eodem prædecessore nostro manasse, quicquid factum invenirent occasione literarum illarum post appellationem ad nos legitimè interpositam vel statutum denuntiarent penitus non tenere, injungentes ipsis districtus ne occasione literarum illarum Xanthonen. Ecclesiam indebitè de cetero molestarent. Cùmque literæ hujusmodi ad prædictos judices venissent, dictus Subdiaconus noster ad ipsorum citationem in eorum præsentia constitutus proposuit quòd cùm excommunicati essent, illis respondere minimè tenebatur, & quòd voluntatem nostram volebat super hoc præsentialiter experi, & ne ulterius in negotio ipso procederent, sedem apostolicam appellavit. Quia verò labori eorum compati volumus & debemus, ad devotionem & servitium ipsorum nec immeritò paternum respectū habentes, discretioni vestræ per apostolica scripta mandamus & districtè præcipimus quatenus nisi infra quadraginta dies à commonitione nostra auctoritate præsentium viva voce vel literis sibi facta, vobis per testes omni exceptione majores constiterit præfatum quadragenarium Canonicorum numerum fuisse in prefata Ecclesia institutum, vel si non habent plenum, ut duo desint de quadragenario constituto, vel post factam institutionem habuerint quandoque majorem, cùm ipsi factam institutionem non observaverint, ipsos in corporalem possessionem canonicas ipsius appellatione postposita auctoritate freti apostolica inducentes, stallum in choro & locum in Capitulo secundùm Ecclesiæ consuetudinem assignetis, & Canonicos memoratos ad receptionem ipsorum per excommunicationis in personas & interdicti sententias in Ecclesiæ Xanthonen. sublato cujuslibet contradictionis & appellationis obstaculo cogatis; revocantes in irritum quicquid post susceptionem mandati ejusdem prædecessoris nostri in elusionem ipsius & eorundem Subdiaconi & magistri præjudicium in canonicis vel præbendis invenientis attentatum. Taliter autem mandatum apostolicum impleatis ut obedientiam vestram commendare non im-

meritò debeamus & vestro & Ecclesiærum vestrarum profectui soliciùs imminere, ac Cardinalis prædictus, quem inter fratres nostros speciali diligimus in Domino caritate, & idem Subdiaconus & magister propter hoc libentiùs intendant vestris commodis & honori. scituri quòd sicut gratum habebimus, si mandatum apostolicum fueritis efficaciter executi, sic ferre non poterimus non molestè si (quod non credimus) in hoc negligentes fueritis vel remissi. Testes autem qui fuerint nominati, si se gratia, odio, vel timore subtraxerint, ut testimonium perhibeant veritati, per distinctionem ecclesiasticam appellatione remota cogatis. Nullis literis obstantibus, si quæ apparuerint harum tenore tacito à fede apostolica impetratæ. Quòd si omnes &c. duo vestrum ea nihilominus exequantur. Datum Laterani XIV. Kal. Ianuarij.

*DECANO ET CAPITVLO
Eboracen.*

Si eorum petitionibus apostolicum gratariter impertimur assensū, quos gratiosos inter alios Clericos orbis & literarum scientia & morum reddit honestas, officij nostri, sicut credimus, debitam prosequimur actionem, & Deo in hoc & hominibus complacemus. Sanè licet dilectum filium magistrum *P. de Corbolio, de cuius literatura & scientia in longinquis & remotis partibus prædicatur, suæ tantum probitatis & honestatis intuitu habere debeamus in visceribus caritatis, cùm tamen ad memoria reducimus nostram nos aliquando sub ipsius magisterio extitisse, & ab eo divinarum audisse paginam scripturarum, (quod utique non pudet nos dicere, immo reputare volumus gloriosum) ad dilectionem ipsius efficimur promptiores, & ejus libentiūs augmento intendimus & honori. Cùm igitur venerabilis frater noster Eboracen. Archiepiscopus præbendam Eboracen. Ecclesiæ cum archidiaconatu eidem magistro contulerit, sicut nobis per suas literas, ut proponitur, intimavit, nec vos unquam deceat tales ac tantum Clericum à societate vestra repellere, sed vocare, cùm de literatis & discretis personis Ecclesiæ multa provenire confluverint incrementa, devotionem vestram rogamus, monemus, ac per apostolica scripta

*Epiſ. 478.
Vt M. Petrus de
Corbolio præ-
benda & archi-
diaconatus po-
fessio tradatur.*

* Fuit postea
Archiepiscopus
Senonensis.

M m ij

districtè præcipiendo mandamus, quatenus præfatum magistrum ad præbendam & archidiaconatum sibi concessum tam libenter quam liberaliter admittentes, faciatis eundem vel procuratorem suum præbendam & archidiaconatum pacificè possidere; ut & idem magister in vobis se gaudeat fraternæ dilectionis solatium invenisse, & nos, qui pro ipso puro corde & voluntate sincera scripta nostra dirigimus, devotionem vestram valeamus in Domino meritò commendare. Alioquin nos venerabili fratri nostro Elien, Episcopo noveritis injunxit ut præfato magistro præbendam & archidiaconatum, non obstante contradictione vel appellatione cuiuslibet, si ei de canonica concessione constiterit, nostra fretus auctoritate non differat assignare, & faciat pacificè possidere; illos censura ecclesiastica percellens qui se duxerint mandato nostro temerè opponendos. Datum Laterani XVI. Kal. Ianuarij.

ELIEN. EPISCOPO.

Epi. 479.
Ejusdem argumenti.

SI eorum petitionibus &c. serè in eundem modum ut supra usque ad verbum commendare. Ideoque fraternitati tue per apostolica scripta præcipiendo mandamus quatenus præfato magistro præbendam & archidiaconatum, non obstante contradictione vel appellatione cuiuslibet, si tibi de canonica concessione constiterit, nostra fretus auctoritate non differas assignare & facias pacificè possidere, illos censura ecclesiastica percellens qui se duxerint mandato nostro temerè opponendos. Datum ut supra.

RICARDO ILLVSTRI
Regi Anglorum.

Epi. 480.
Ejusdem argumenti cum duas præcedentibus.

CVm regnum status per virorum prudentum consilia de bono semper consuevit in melius prosperari, qui ad ipsorum regimen Domino disponente vocantur, viris prudentibus & discretis favorem debent & gratiam libenti animo impertiri, & ipsorum, prout convenit, intendere incrementis. Cum enim, sicut credimus, magnificantia regia non ignoret qualiter dilectus filius magister P. de Corbolio inter alios Clericos orbis scientia literali præfulgeat, & sua probitate & discretione sit admodum commendandus, ad dilectionem ipsius

prompta debes voluntate concurrere, & eum tam libenter quam efficaciter exaudire. Cum igitur venerabilis frater noster Eboracen. Archiepiscopus ei præbendam Eboracen. Ecclesia cum archidiaconatu contulerit, super cujus possessione per dilectos filios Decanum & Capitulum Eboracense, prout dicitur, impeditur; pro ipso, sub cujus magisterio nos aliquando exitisse recolimus & ab eo audivisse sacrarum paginam scripturarum, puro corde, conscientia bona, & voluntate non ficta serenitatem regiam duximus literis apostolicis exhortandam; rogantes attentiū, & monentes, quatenus prædictum magistrum nostrorum precum intuitu & sua probitatis obtentu diligas propensiū & honores, & ad habendam possessionem pacificam archidiaconatus & præbendæ auxilium regiae serenitatis exhibeas; ita quod ipse magister ad servitium magnitudinis regiae fortius accendatur, & nos, cum preces nostras, præsertim quas de tam puro corde proferimus, cognoverimus exauditas, ad audiendum petitiones tuas possumus magis favorabiles inveniri. Datum ut supra.

JOHANNI MINISTRO
& fratribus S. Trinitatis.

O Perante divina dispositionis ele-
mentia in sedis apostolica specula
constituti, piis debemus affectibus suf-
fragari, & eos, cum à caritatis radice
procedunt, perducere ad effectum; præ-
sertim ubi quod queritur, Iesu Christi
est, & privata communis utilitas ante-
fertur. Sanè cum tu, dilecte in Christo
filii frater Iohannes Minister, ad nostram
olim præsentiam accessisses, & proposi-
tum tuum, quod ex inspiratione divina
creditur processisse, nobis humiliter si-
gnificare curasses, intentionem tuam po-
stulans apostolico munimine confirmari;
nos ut desiderium tuum fundatum in
Christo, præter quem ponи non potest
stabile fundamentum, pleniū noscere-
mus, ad venerabilem fratrem nostrum
Episcopum & dilectum filium Abbatem
sancti Victoris Parisien. cum nostris te
duximus literis remittendum; ut per eos,
utpote qui desiderium tuum perfectius
noverant, de intentione tua & intentionis
fructu ac institutione ordinis &
vivendi modo instructi, assensum no-
strum tibi possemus securius & efficacius

Epi. 481.
Conceditur
gala juxta quā
vivere debet.